

Առարկա - Մայրենի

Դասարան - 2-րդ

Դասի թեման - Բառակազմություն

Նպատակը - ճանաչել բառը որպես պատկերավորման միջոց, վերլուծել բառի բաղադրիչները, խոսքի մեջ առանձնացնել պարզ, բարդ և ածանցավոր բառերը: Արժևորել մայրենի լեզվի դերը , զարգացնել կամային որակներ , հարստացնել բառապաշարը, ամրակայել հաղորդակցական և համագործակցային կարողությունները:

Ուսուցիչ	Սովորողներ
<p>Հարցերի օգնությամբ ամրապնդում է բառի որպես պատկերավորման միջոց սովորողների նախնական գիտելիքները: Հնչյունաբանական աշխատանքի միջոցով ամրապնդում այն հիմնական միտքը , որ հնչյունների խումբը պետք է իմաստ արտահայտի և այդ դեպքում այն կդառնա բառ(օրինակ` << նշու >> հնչյունների խումբը բառ չի կարող լինել , որովհետև իմաստ չի արտահայտում, իսկ շուն կամ նուշ հնչյունների խումբը իմաստ ունի):</p>	<p>Սովորողները հարցերի օգնությամբ վերհիշեցին , թե ինչ է բառը: Կատարեցին հնչյունաբանական աշխատանք, վերլուծեցին հնչյունների խումբը , կատարեցին տարբեր հնչյունների տեղափոխություններ և կազմեցին բառեր: Գրատախտակի մոտ կատարեցին բառերի հնչյունների վերլուծական աշխատանք և համոզվեցին , որ հնչյունների խումբը պետք է իմաստ արտահայտի, որպեսզի այն բառ կոչվի:</p>
<p>Առաջարկեց փուլիկների վրա ամրացված բառափնջերից առանձնացնել պարզ, բարդ և ածանցավոր բառերը , ընթացքում հետևում սովորողների խմբային</p>	<p>Սովորողները մեծ ուրախությամբ վերցրեցին փուլիկները , կաշուն բառերով կատարեցին բառակազմական աշխատանքը: Ձևակերպեցին բառերի</p>

<p>աշխատանքին, միմյանց հետ համագործակցությանը: Աշխատանքի ընթացքում շտկում է սխալները, ուղղություն տալիս ճիշտ կողմնորոշվելու համար:</p>	<p>տեսակներն ըստ կազմության սահմանումները, անվանեցին հայերենի բոլոր նախածանցները, մի քանի վերջածանցներ, բերեցին օրինակներ: Հոդակապով և անհոդակապ բարդ բառերի օրինակներ բերեցին , ապա սկսեցին խմբավորել պարզ, բարդ և ածանցավոր բառերը:</p>
<p>Մինչ հաջորդ առաջադրանքի կատարումը, առաջարկեց կատարել ֆիզկուլտ դադարի համալիր վարժություններ: Հաջորդ բառային աշխատանքը նախածանցավոր և վերջածանցավոր բառերի տեղադրումն էր ամպիկների վրա: Աշխատանքը կատարվում էր բառի արմատի և ածանցի վերլուծությամբ:</p>	<p>Համագործակցելիս պահպանում էին բարեվարքության և խմբային աշխատանքի սահմանված կանոնները, հաղորդակցվելիս պահպանում էին ուղղախոսական կանոնները: ճանաչում էին նախածանցավոր և վերջածանցավոր բառերը, ամրացնում համապատասխան ամպիկների մեջ , բաժանում էին բաղադրիչների արմատ և ածանց:</p>

<p>Որպես ամփոփիչ առաջադրանք առաջարկեց հողակապով և անհողակապ բառերով կազմել նախադասություններ, ապա նաև օգտագործել ածանցավոր բառեր : Ուշադրություն էր դարձնում մայրենի լեզվի արժևորմանը:</p> <p>Որպես ամրապնդման առաջադրանք հանձնարարեց կատարել Learning Apps - ի իր պատրաստած առաջադրանքը՝ պարզ, բարդ, ածանցավոր բառերի խմբավորման վերաբերյալ:</p> <p>https://learningapps.org/display?v=pjcgnnf5c23</p>	<p>Կազմեցին նախադասություններ օգտագործելով իրենց բերած օրինակները՝ ածանցավոր ,հողակապով և անհողակապ բարդ բառերով:Ընթացքում կատարում էին բաղադրիչների վերլուծություն, ձևակերպում իրեն հետաքրքրող հարցեր:</p> <p>Սիրով աշխատեցին ՏՀՏ առաջադրանքը, ընթացքում հետևում, պահպանում էին առաջադրանքի կատարման կանոններին: Խմբավորեցին բառերն ըստ կազմության՝ որոշեցին բաղադրիչները:</p>
--	---

